

# adr:

ALTERNATIV DEMOKRATESCH  
REFORMPARTEI  
Groupe parlementaire



Här Mars di Bartolomeo  
President vun der Deputéiertechamber  
19, Um Krautmaart,  
L-1728 Lëtzebuerg

Lëtzebuerg, den 9. Februar 2018

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Minister fir Verdeedegung weiderzeleeden.

*D'Problemer ronderëm de Militärfliger A400M gi weider. Et ass gewosst, datt Lëtzebuerg och esou e Fliger bestallt huet.*

*Fachzäitschräfte mellen, datt Airbus e "Schema" ausgeschafft hätt, fir mat de Clienten – also och mat Lëtzebuerg – en Akkord ze fannen. Dowéinst wär et och e Méindeg, de 5. Februar, zu London zu enger Reunion komm.*

*Dowéinst wéilt ech dem Här Minister fir Verdeedegung dës Froe stellen:*

- 1) War Lëtzebuerg op der Reunion zu London vertrauden? Wa jo, mat wéi engem Verhandlungszil? Wa neen, wisou net?*
- 2) Wéi eng finanziell Konsequenzen huet de "schéma d'accord" op Lëtzebuerg? Gëtt de Fliger doduerch méi deier?*
- 3) Kann den Här Minister de Präis, dee Lëtzebuerg muss fir den A400M an der aktueller Konfiguratioun bezuelen, inklusiv der TVA, matdeelen?*
- 4) Beim Akkord goufen nei Termäiner fir d'Ausliwwerung vum Fliger verhandelt. Gëtt et elo en definitiven Termäin, wéini dësen A400M u Lëtzebuerg geliwwert gëtt?*
- 5) Et si schonns eng Rei Militär fir den Asaz op dësem Fliger ausgebild ginn. Wéi eng Missiounen erfëllen dës Leit aktuell? Huet d'Verspéidung vun der Ausliwwerung Konsequenze fir dës Persounen?*

Mat déiwem Respekt,

Fernand Kartheiser  
Deputéierten